



Broj:  
Ilidža,

Na osnovu čl. 90. Statuta Općine Ilidža – prečišćeni tekst („Službene novine Kantona Sarajevo“, broj 33/10, 18/16), člana 15. Odluke o izvršavanju Budžeta Općine Ilidža za 2021.godinu („Službene novine Kantona Sarajevo“, broj 14/21 od 08.04.2021.godine i člana 7. Pravilnika o kriterijima, načinu i postupku dodjele budžetskih sredstava za poticaj razvoju poduzetničke inicijative i zapošljavanju na području općine Ilidža broj: \_\_\_\_\_ godine, Općinski načelnik objavljuje:

**JAVNI POZIV**  
**za sufinansiranje najboljih poslovnih planova sredstvima iz Budžeta Općine Ilidža, namijenjenih razvoju poduzetničke inicijative i zapošljavanja mladih sa područja općine Ilidža**

**I PREDMET JAVNOG POZIVA** je prikupljanje aplikacija za sufinansiranje najboljih poslovnih planova sredstvima iz Budžeta Općine Ilidža, namijenjenih razvoju poduzetničke inicijative i zapošljavanja mladih sa područja općine Ilidža.

Javni poziv je namijenjen:

- Nezaposlenim mladim osobama do 35 godina starosti, da, ukoliko imaju poslovnu ideju, apliciraju na Javni poziv za sufinansiranje najboljih poslovnih planova iz Budžeta Općine Ilidža.

Javni poziv je sa ciljem pružanja podrške poslovnim idejama mladih i pružanje prilike za samozapošljavanje i doprinos razvoju svoje lokalne zajednice.

Razvoj poduzetničke inicijative će omogućiti stvaranje novih radnih mjesta kroz zapošljavanje mladih sa evidencije nezaposlenih, povećanje broja samostalnih djelatnosti i privrednih društava na području općine Ilidža kroz sufinansiranje troškova pokretanja i razvoja vlastitog biznisa.

Planirana Budžetska sredstva u 2021. godinu u iznosu od **70.000,00 KM** – ekonomski kod 614239 “Finansiranje i sufinansiranje najboljih poslovnih planova sredstvima iz Budžeta Općine Ilidža namijenjenih razvoju poduzetničke inicijative mladih sa područja općine Ilidža“ će se koristiti za poticanje poduzetničke inicijative kroz takmičenje poslovnih ideja i održivih poslovnih planova.

Na osnovu javnog poziva odabraće se najbolji poslovni planovi kojims će se dodijeliti finansijska sredstva. Finansijska sredstva su namijenjena sufinansiranju troškova pokretanja biznisa kroz finansiranje troškova registracije biznisa, troškova sredstava za rad, zakupa

poslovnih prostorija, obrtnih sredstava i ostalih troškova. Visina nepovratnih sredstava **po poslovnom planu može iznositi maksimalno do 5.000,00 KM**

## II PRAVO NA DODJELU SREDSTAVA

Korisnici sredstava mogu biti mladi koji nisu stariji od 35 godina, ako ispunjavaju sljedeće uslove:

- a) Imaju prebivalište na području općine Ilidža;
- b) Nalaze se na evidenciji nezaposlenih JU Službe za zapošljavanje Kantona Sarajevo - Biro Ilidža;
- c) Poslovnu ideju će registrovati i razvijati vlastiti biznis na području općine Ilidža;
- d) Nisu imali registrovanu djelatnost niti privredno društvo u zadnje tri godine.

## III KRITERIJI I MJERILA

Kriteriji za izbor poslovnih planova su:

Vrsta djelatnosti	Bodovi
Proizvodnja	40
Intelektualne usluge	30
Usluge	20
Ostalo	10

Broj zaposlenih	Bodovi
Više od 10	40
7-9	30
4-6	20
1-3	10

Ocjena poslovne ideje	Bodovi
Odlična	30
Dobra	20
Uvjetno dobra	10

Ocjena poslovnog plana	Bodovi
Odličan	30
Dobar	20
Uvjetno dobar	10

Vrsta investicije	Bodovi
Vlastita	15
Kredit	10

Vrijednost investicije	Bodovi
>15.000	15
10.000 -15.000	10
<10.000	5

Inovativnost	Bodovi
Djelatnost ne postoji	30
Djelatnost slabo zastupljena	20
Djelatnost postoji	10

**Napomena: Predmet poslovnog plana ne može biti djelatnost kockanja i klađenja.**

Postupak dodjele nepovratnih sredstava Općine Ilidža namijenjenih poticaju zapošljavanja mladih kroz osnivanje biznisa provodi Komisija koju imenuje Općinski načelnik.

Komisija razmatra pristigle prijave te sačinjava listu najboljih poslovnih planova, shodno kriterijima iz člana 6. Pravilnika o kriterijima, načinu i postupku dodjele budžetskih sredstava za poticaj razvoju poduzetničke inicijative i zapošljavanja na području općine Ilidža.

Komisija utvrđuje prijedlog Odluke o dodjeli budžetskih sredstava sa iznosom novčane podrške i istu dostavlja Općinskom načelniku na odobravanje.

#### **IV APLIKACIJA NA JAVNI POZIV**

Prijava mora biti potpuna i dostavljena sa kompletnom dokumentacijom koja je tražena Javnim pozivom.

Prijava za najbolji poslovni plan sadrži:

- a) Pravilno popunjen obrazac - Poslovnog plana; u prilogu Javnog poziva;
- b) Kopija lične karte (kopija ovjerena kod nadležne općinske službe);
- c) Potvrda o mjestu prebivališta – CIPS prijava, ne starija od 30 dana, (kopija ovjerena kod nadležne općinske službe);
- d) Potvrdu JU Služba za zapošljavanje Kantona Sarajevo – Biro Ilidža da se aplikant nalazi na evidenciji nezaposlenih - ne starija od 30 dana;
- e) Izjavu ovjerenu kod nadležne općinske službe, da u prethodne tri godine nije imao registrovanu djelatnost ili privredno društvo na području općine Ilidža, da će dodijeljena sredstva iskoristiti za sufinansiranje troškova pokretanja biznisa kroz finansiranje troškova registracije biznisa, troškova sredstava za rad, obrtnih sredstva, zakupa poslovnih prostora i drugih troškova prema navedenom u poslovnom planu ; registrovati i održavati vlastiti biznis (isti neće u periodu od najmanje 12 mjeseci odjaviti); da će se nakon registrovanja vlastitog biznisa odjaviti sa evidencije nezaposlenih i da se u periodu od najmanje 12 mjeseci neće prijaviti na evidenciju nezaposlenih, te da ranije nije koristio nepovratna sredstva Budžeta Općine Ilidža namijenjena poticaju privredi i zapošljavanju mladih.

Obrasci u sklopu Javnog poziva se mogu preuzeti u Centru za pružanje usluga građanima u Općini Ilidža (Info desk), u ulici Butmirska cesta 12 ili putem web stranice: [www.opcinailidza.ba](http://www.opcinailidza.ba) .

## **NAČIN PODNOŠENJA PRIJAVE**

Prijave na Javni poziv sa naprijed traženom dokumentacijom podnose se u zatvorenoj koverti na protokol u Centru za pružanje usluga građanima u Općini Ilidža ili putem preporučene pošte na adresu Butmirska cesta 12, s obaveznom naznakom : **“Za javni poziv za sufinansiranje najboljih poslovnih planova sredstvima iz Budžeta Općine Ilidža, namijenjenih razvoju poduzetničke inicijative i zapošljavanja mladih sa područja općine Ilidža – Služba za privredu i turizam”** i **“NE OTVARAJ”**.

Javni poziv će biti objavljen na službenoj stranici Općine Ilidža ([www.opcinailidza.ba](http://www.opcinailidza.ba)) i oglasnoj tabli Općine Ilidža, te oglasnoj tabli Mjesnih zajednica Općine Ilidža i Službe za zapošljavanje Kantona Sarajevo – Biro Ilidža. U dnevnim novinama „AVAZ“ će biti objavljeno obavještenje o raspisivanju javnog poziva.

Prijave se mogu dostavljati 30 dana od dana objave na službenoj stranici Općine Ilidža.

Dodatne informacije u vezi sa učešćem na Javnim poziv možete dobiti u Službi za privredu i turizam na broj: 033/775-750 i 033/621-431.

Neblagovremene i nepotpune prijave, neće se razmatrati.

U postupku ovog Javnog poziva Općina Ilidža ne snosi nikakve troškove sudionicima. Prispjela dokumentacija se neće vraćati.

## **VIII OSTALE ODREDBE**

Sa podnosiocima najbolje ocijenjenih poslovnih planova Općina Ilidža, koju zastupa Općinski načelnik, zaključuje ugovore u kojima će se definisati međusobna prava, obaveze i odgovornosti, način praćenja realizacije odobrenog poslovnog plana, te obavezu finansijskog izvještavanja o utrošku sredstava kao i odredbe o uslovima i načinu raskida ugovora.

**SVE INFORMACIJE I OBAVJEŠTENJA U VEZI OVOG JAVNOG POZIVA ĆE BITI OBJAVLJENE NA ZVANIČNOJ WEB STRANICI OPĆINE ILIDŽA TE UČESNICI PO OVOM JAVNOM POZIVU NEĆE BITI POJEDINAČNO OBAVIJEŠTAVANI.**

OPĆINSKI NAČELNIK

Nermin Muzur, magistar uprave